

INDEX GEOGRAPHICUS. III

Zabulon Tribus à Zabulone decimo filiorum Jacob, eoque sexto & ultimo ex Lia uxore nomen sortita, in Galilæa inferiori sita est, & à mari magno ad mare Galilææ extenditur. De Zabulone Jacob Gen. 49. v. 13. Zabulon in littore maris habitabit. Et Moyses de Zabulone & Ifachar, Deuter. 33. v. 19. qui inundationem maris, quasi lac fugent, & thesauros absconditos arenarum. Præter oram maris, quam obtinent, urbes vicinas habent Ptolemaïdem, Tyrum, Sidonem; in quibus emporia celeberrima. Zabulonitarum 57400 Princeps in Deserto fuit Eliab filius Helon, Numer. 1. v. 9. Gaddiël filius Sadi explorator Terræ Chanaan, 13. v. 11. Elisaphan filius Phamach divisor hujus Terræ, 34. v. 25. quam ingressi sunt 60500 Zabulonitæ. Ex eadem Tribu fuere Elon five Ajalon Judex super Israël, & Jonas Propheta. Hanc descripsit Josue.

Zabulon nulla urbs est Josue 19. ubi urbes omnes Tribus Zabulon describuntur; benè quidem Judic. 12. v. 11. Cui (Abefan) successit Ajalon Zabulonites, & judicavit Israël decem annis, v. 12. mortuusque & sepultus est in Zabulon. Hic Zabulonem pro Regione aut Tribu intelligi, non pro urbe primùm putavimus, & id ex Josepho colligebamus, qui Helon five Ajalon ipsum disertè facit ex Tribu Zabulon, non ex urbe. Sed ipsemet omne abstulit scrupulum lib. 3. Bel. c. 4. Inferioris (inquit) Galilææ longitudo protenditur à Tiberiade usque ad Zabulon, cui vicina est in locis maritimis Ptolemaïs.

Zachariæ domus videtur in urbe Hebron Baronio.

Zambri. Jerem. 25. v. 25. Et cunctis Regibus Zambri, & cunctis Regibus Elam, & cunctis Regibus Medorum. Zambri desideratur in plerisque Græcis codicibus, & nomen ignotum est; fortè pro Armenia.

Zanoë, urbs gemina est hujus nominis in Tribu Juda. Altera in secunda hujus Tribus parte inter Asena & Ængannim: Altera in octava parte inter Jucadam & Accaïm. Utraque ex Josue 15. sed prima v. 34. ultima v. 56. Est etiam Zanoë Esdræ 3. v. 13. & Zanoa 11. v. 30. Janoë alia est in Ephraïm.

Zared Torrens. Numer. 21. v. 12. Et inde (à Jiëabarim) venerunt ad Torrentem Zared, v. 13. quem relinquentes castrametati sunt contra Arnon, quæ est in Deserto. Deuter. 2. v. 14. Tempus autem quo ambulavimus de Cadesbarne usque ad transitum Torrentis Zared, triginta & octo annorum fuit.

Zephona in limite septentrionali totius Terræ Promissæ. Numer. 34. v. 8. sunt Emath, Sedada, Zephona, Enan.

Ziph gemina urbs videtur ex Josue 15. una v. 24. altera v. 55. Hæc inter Carmel & Jota describitur in octava. Altera inter Jethnam & Zelem in prima Tribus Judæ parte. Sed legimus Jethnam Ziph; ut in Animadversionibus: ideoque altera erit simpliciter Ziph; ubi & desertum & mons & sylva est. 1. Reg. 23. v. 14. de Davide profugo: Mansitque in monte solitudinis Ziph, in monte opaco... v. 15. David erat in deserto Ziph in sylva. 23. v. 19. Ascenderunt autem Ziphæi ad Saül in Gabaa dicentes: Nonne ecce David latitat apud nos, in locis tutissimis sylvæ, in colle Hachila, quæ est ad dextram deserti. 26. v. 2. Surrexit Saül, & descendit in desertum Ziph, & cum eo tria millia virorum, de electis Israël, ut quæreret David in deserto Ziph.

Latit.	Longit.
Gr. Scr.	Gr. Scr.
32. 40.	67. 10.
32. 52.	66. 44.
31. 30.	65. 57.
31. 24.	66. 35.
31. 6.	57. 15.
33. 20.	67. 36.
31. 9.	66. 37. $\frac{1}{2}$

F I N I S.